

postea servabatur in resurrectione mortuorum : quasi possit esse imago aliqua , in qua similitudo non sit . Si enim omnius similis non est , procul dubio nec unica est . Verumtamen ut non sola ratione id agere videamur , et auctoritas Jacobi apostoli adhibenda est , qui cum de lingua hominis loqueretur , ait : In ipso benedicimus Deum , et in ipso maledicimus homines , qui ad similitudinem Dei facti sunt (Jacobi iii, 9).

ADMONITIO IN SUBSEQUENTES LIBROS.

Ecce jam tertiam in Genesim , vel quartam expositionem Augustini . Huic tractando sive tuendo contra Manichaeos libro , recenti adhuc tempore conversionis sue manum admoverat : sed in difficilioribus quibusque locis allegoricum sensum subjecisse contentus , prætermisera litteralem ; quem postea presbyter perscrutari aggressus , cum vires suas huic labori impares comperisset , opus imperfectum reliquit . Ille sub annum quadringentesimum idem argumentum tractandum recepit episcopus : prius quidem secundum allegoriam in postremis tribus Confessionum libris ; deinde vero ad litteram hoc in operc , deque ea re subsequentes duodecim libros consecit .

In iis historiam Genesios ab exordio ad eum usque versiculum quo Adamus de Paraiso dimisssus fuit , esarrans , non præterit ullum apicem , nihil quod non omni ratione verset penitusque rimetur , nisi quod mysteria figurarum involucris obiecta explicare nequaquam studet : quippe qui nunc operæ pretium in eo totum reponat , uti demonstret nihil Genesis historia contineri , quod ad litteram verum esse non possit , nihil quod rationi aut naturæ rerum adversetur ; ac si quid veluti superfluum et incongruum appareat , id mysticum credi oportere aliisque referri . Quædam autem obiter in libro secundo , adversus Genitiliacos ; in libro quarto , de senarii numeri perfectione ; in libro quinto , de scientia et providentia Dei ; in libro sexto , de Adami corpore ; in libro septimo , de anima , de qua rursus in libro decimo . Tum de casu angelorum , in libro undecimo ; de Paraiso et de multiplici visionum genere in libro duodecimo , deque aliis rebus passim agit , ea quæ certa sunt asserens et defendens , de incertis quæstiones et dubia movens . Opus impendio laudat Cassiodorus senator , in libro primo Institutionum , capite primo ; Basiliique et Ambrosii in Genesim commentariis longe sublimius ducit .

Hisce libris in Retractionibus post opuscula quedam sub annum quadringentesimum elaborata locum dedit Augustinus , ordine , ut ait , quo eos coepit , non quo perfecit . Nam illos quamvis efflagitarent amici , diu tamen apud se retinuit , ut ad limam identidem revocaret , ex epistola centesima quadragesima tertia , ad Marcellinum , versus finem anni quadringentesimi duodecimi data . Duodecimum librum citat in epistola centesima quicquagesima nona , ad Evodium , quam anno circiter quadringentesimo decimo quarto adscriptus , ibique se totius operis emendationem , quo illud quam primum publici juris faciat , maturare significat : nondum tamen ediderat eum alteram ad Evodium , scilicet epistolam centesimam sexagesimam secundam scripsit , uti testatur numero secundo .

Vide lib . 2 , cap . 24 , Retractionum , col . 640 , a verbis , Per idem tempus de Genesi , usque ad verba , Bipartita est . M.

S. AURELII AUGUSTINI HIPPONENSIS EPISCOPI DE GENESI AD LITTERAM LIBRI DUODECIM ^(a).

LIBER PRIMUS.

Expenditur initium Geneseos , cap . 1 , vers . 1 : In principio fecit Deus cælum et terram : usque ad vers . 5 : Et vocavit Deus lucem diem , etc.

CAPUT PRIMUM . — In Scriptura quid considerandum . id quod Dominus significavit , dicens , scribam eruditum in regno Dei similem esse patrifamilias proferent .
1. Omnis divina Scriptura bipartita est , secundum

ADMONITIO PP. BENEDICTINORUM.

Nos libros cum viginti sex MSS. contulimus , scilicet cum Vaticanis tribus , PP. Augustinianorum majoris conventus Parisiensis duobus , Navarrici Collegii et Thuanæ bibliotheca totidem , cum uno e biblioteca Laudunensis Ecclesiae , uno Abbatie S. Martinii de Campis apud Parisios , cum Sorbonico , Colbertino , Bigotano , Cisterciensi , Albiensi , Audiensem , Cultarense , Gemmaticensi , Germanensi , Lyrense , Michaelino , Remigiano , Theodericensi , Vindocinensi , et uno Abbatia B. Mariae de Josaphat Carnutensis . Consululimus insuper variantes lectiones Belgicorum sex codicum per Lovanienses Theologos excerptas : necnon antiquiores editiones Am. Er. et Lov.

Comparavimus præterea eas omnes editiones initijs Retr. et Confess. , t. 1 , memoratas . M.

(a) Incudit circiter annum 101 , absoluti sub annum 115 .